

NACRT

Pravosudna komisija Brčko distrikta BiH, na osnovu člana 14. stav (1) tačka n) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07 i 02/08) i odredbe člana 116. Zakona o Sudskoj policiji Brčko distrikta BiH („Službeni glasnik Brčko distrikta BiH“, broj: 03/21) , na ____ redovnoj sjednici održanoj dana ____ godine donosi sljedeći

PRAVILNIK O UTVRĐIVANJU POSEBNE ZDRAVSTVENE SPOSOBNOSTI SLUŽBENIKA SUDSKE POLICIJE BRČKO DISTRIKTA BIH

DIO PRVI – OPŠTE ODREDBE

Član 1 (Predmet)

Ovim pravilnikom utvrđuju se jedinstveni zdravstveni uslovi koje ispunjavaju službenici Sudske policije Brčko distrikta BiH, kao i kandidati za prijem na rad u Sudsku policiju Brčko distrikta BiH (u daljem tekstu: Sudska policija), organizovanje i obavljanje određenih vrsta zdravstvenih pregleda i metodologija pregleda za ocjenu zdravstvene sposobnosti za rad i za prijem na rad u Sudskoj policiji.

Član 2 (Pojam zdravstvenog pregleda)

Pod obavljanjem zdravstvenih pregleda, u smislu člana 1. ovog pravilnika, podrazumijeva se obavljanje prethodnih pregleda kandidata za prijem na rad u Sudsku policiju i obavljanje preventivnih zdravstvenih pregleda koji obuhvataju periodične i vanredne preglede policijskih službenika u Sudske policije, u skladu sa Zakonom o Sudskoj policiji Brčko distrikta BiH.

Član 3 (Nadležnost za utvrđivanje zdravstvene sposobnosti)

(1) Utvrđivanje zdravstvene sposobnosti službenika Sudske policije i kandidata za prijem na rad u Sudsku policiju, provodi zdravstvena ustanova.

(2) Zdravstveni pregledi zaposlenog obavljaju se u javnoj zdravstvenoj ustanovi Distrikta, a zdravstveni pregledu kandidata obavljaju se u javnoj zdravstvenoj ustanovi ili drugoj odgovarajućoj zdravstvenoj ustanovi.

(3) Međusobni odnosi Pravosudne komisije Brčko distrikta BiH (u daljem tekstu: Pravosudna komisija) i javne zdravstvene ustanove Distrikta regulisaće se posebnim ugovorom.

(4) Kandidat snosi troškove zdravstvenog pregleda.

DIO DRUGI – UTVRĐIVANJE ZDRAVSTVENE SPOSOBNOSTI

Član 4

(Prethodni zdravstveni pregled)

(1) Prethodnim zdravstvenim pregledom utvrđuje se da li kandidat zadovoljava jedinstvene zdravstvene uslove propisane ovim pravilnikom.

(2) Prethodni zdravstveni pregled obavlja se prilikom izbora kandidata koji prvi put zasniva radni odnos u Sudskoj policiji.

(3) Za obavljanje zdravstvenih pregleda radi utvrđivanja zdravstvenih uslova o sposobnostima za prijem na rad nadležan je stručni tim ljekara koji vrši timsku obradu.

(4) Stručni tim iz stava (3) ovog člana čine diplomirani psiholog i doktori medicine specijalisti iz oblasti:

- 1) medicine rada,
- 2) interne medicine,
- 3) psihijatrije,
- 4) oftalmologije,
- 5) otorinolaringologije,
- 6) ortopedije ili fizikalne medicine,
- 7) ginekologije i
- 8) opšte medicine.

Član 5

(Periodični zdravstveni pregled)

(1) Periodičnim zdravstvenim pregledom provjeravaju se jedinstveni zdravstveni uslovi službenika Sudske policije, na način i u rokovima utvrđenim ovim pravilnikom.

(2) Periodični zdravstveni pregled vrši se svake 4 (četiri) godine.

(3) Komandir Sudske policije dužan je da inicira provođenje periodičnog zdravstvenog pregleda u smislu planiranja budžetskih sredstava, preduzima aktivnosti u vezi sa provođenjem pregleda u skladu sa zaključenim ugovorom i da vodi evidenciju obavljenih ljekarskih pregleda.

Član 6 (Vanredni zdravstveni pregled)

(1) Vanrednim zdravstvenim pregledom provjeravaju se jedinstveni zdravstveni uslovi službenika Sudske policije, na način i u rokovima utvrđenim ovim pravilnikom.

(2) Vanredni zdravstveni pregledi službenika Sudske policije može se izvršiti na zahtjev komandira Sudske policije, u slučaju:

- 1) privremene spriječenosti za rad zbog bolesti ili povrede koja traje duže od dva mjeseca,
- 2) privremene spriječenosti za rad uzrokovane duševnim poremećajima,
- 3) povreda ili oboljenja koja mogu dovesti do funkcionalnog oštećenja,
- 4) kod sumnje na zloupotrebu i neopravdanu privremenu spriječenost za rad zbog bolesti ili povrede,
- 5) na zahtjev zaposlenog, a na prijedlog doktora porodične medicine i
- 6) na osnovu drugih indikacija.

Član 7 (Provođenje zdravstvenog pregleda)

(1) Za obavljanje zdravstvenih pregleda radi utvrđivanja zdravstvenih uslova o sposobnostima za rad kandidata i službenika Sudske policije vrši stručni tim koji vrši timsku obradu.

(2) Stručni tim iz stava (1) ovog člana čine diplomirani psiholog i doktori medicine - specijalisti iz oblasti:

- 1) medicine rada,
- 2) interne medicine,
- 3) psihijatrije,
- 4) oftalmologije,
- 5) otorinolaringologije,
- 6) ortopedije ili fizikalne medicine,
- 7) ginekologije i
- 8) opšte medicine.

Član 8 (Metode utvrđivanja zdravstvene sposobnosti)

(1) Zdravstvena sposobnost službenika Sudske policije i kandidata utvrđuje se u skladu sa Zakonom o zdravstvenoj zaštiti na osnovu nalaza i mišljenja članova stručnog tima iz člana 7. stav (2) ovog pravilnika i:

1) laboratorijskih nalaza - kompletna krvna slika, urea, kreatinin, bilirubin ukupni i direktni, AST, ALT, urin, test na prisustvo psihotropnih supstanci i

2) RTG snimak pluća i srca (na prethodnom ljekarskom pregledu obavezno, a na ostalim preventivnim zdravstvenim pregledima prema odluci doktora medicine).

Član 9

(Obaveza službenika Sudske policije i kandidata)

(1) Službenik Sudske policije i kandidat koji je upućen na zdravstveni pregled donosi i daje na uvid medicinsku dokumentaciju o liječenju koju posjeduje i zdravstveni karton od doktora porodične medicine.

(2) Kandidat upućen na zdravstveni pregled, prije pregleda, ispunjava obrazac izjave sa podacima o ličnoj i porodičnoj anamnezi, koji se nalazi u Prilogu 2. ovog pravilnika i čini njegov sastavni dio.

Član 10

(Širi sadržaj zdravstvenog pregleda)

Član stručnog tima iz člana 7. stav (2) ovog pravilnika u pojedinim slučajevima može zahtijevati za zaposlenog ili kandidata širi sadržaj zdravstvenog pregleda, kao i nalaze drugih doktora medicine - specijalista, ako se za to ukaže potreba.

Član 11

(Nalaz i mišljenje)

Nakon obavljenog zdravstvenog pregleda službenika Sudske policije ili kandidata, svaki član stručnog tima daje nalaz i mišljenje.

Član 12

(Ocjena zdravstvene sposobnosti)

(1) Ocjenu o zdravstvenoj sposobnosti za zaposlenog ili kandidata donosi doktor medicine - specijalista medicine rada u skladu sa Zakonom o zdravstvenoj zaštiti.

(2) Ocjena o zdravstvenoj sposobnosti daje se na osnovu nalaza i mišljenja koji daje svaki član stručnog tima za zaposlenog ili kandidata opisno:

- 1) sposoban,
- 2) nesposoban i
- 3) privremeno nesposoban do okončanja liječenja.

(3) Prema utvrđenoj ocjeni iz stava (1) ovog člana, izdaje se uvjerenje o zdravstvenoj sposobnosti.

Član 13
(Ulaganje u personalnu evidenciju)

Uvjerjenja o zdravstvenoj sposobnosti ulažu se u personalnu evidenciju koju vodi Pravosudna komisija Brčko distrikta BiH.

Član 14
(Posljedice zdravstvene nesposobnosti)

(1) Ukoliko se kod kandidata prilikom prethodnog zdravstvenog pregleda, odnosno kod službenika Sudske policije prilikom periodičnog i vanrednog zdravstvenog pregleda utvrdi da je zdravstveno nesposoban u smislu ovog pravilnika ili ako službenik Sudske policije ili kandidat odbije da pristupi nekom od navedenih zdravstvenih pregleda, smatraće se zdravstveno nesposobnim za vršenje poslova službenika Sudske policije.

(2) Kandidat koji je zdravstveno nesposoban u smislu stava (1) ovog člana, ne ispunjava uslov za zasnivanje radnog odnosa u Sudskoj policiji, a službeniku Sudske policije u slučaju utvrđene zdravstvene nesposobnosti u smislu stava (1) ovog člana radni status razmatra se u skladu sa Zakonom o službenicima i namještenicima u pravosuđu Brčko distrikta BiH.

DIO TREĆI – ZAVRŠNE ODREDBE

Član 15
(Stupanje na snagu)

Ovaj pravilnik stupa na snagu danom donošenja a objaviće se u „Službenom glasniku Brčko distrikta BiH“.

PREDSJEDNIK
PRAVOSUDNE KOMISIJE

Safet Pizović

Broj: SuPK-03-____/21
Datum: _____.